



PapScreen
Victoria

information

Abnormalni nalazi PAPA testa

Šta je PAPA test?

PAPA test je brz i jednostavan test kojim se provjerava postoje li abnormalne promjene u ćelijama grlića maternice. Ako se takve promjene otkriju na vrijeme i preduzmu potrebne mjere, mogu se spriječiti najčeće vrste raka na grliću maternice u 90% slučajeva.

Šta znači kada je nalaz PAPA testa nezadovoljavajući?

Nezadovoljavajući nalaz PAPA testa znači da osoblje koje je obavljalo laboratorijsko ispitivanje nije moglo vidjeti ćelije na osnovu čega bi se mogao dobiti nalaz. U tom slučaju se može od vas tražiti da ponovite PAPA test. To vam ne treba predstavljati razlog za zabrinutost.

PAPA test može u nekim slučajevima pokazati znakove upale. Inače, ako je nalaz dobar, bićete ponovo pozvani na PAPA test za dvije godine.

Šta znači kada je nalaz PAPA testa 'abnormalan'?

Abnormalan nalaz PAPA testa znači da se neke ćelije na grliću maternice razlikuju na neki način od normalnih ćelija. Od 15 PAPA testova jedan obično bude abnormalan. Abnormalan nalaz vrlo rijetko znači da se radi o raku grlića maternice, a za tu abnormalnost može biti niz razloga.

Vrste abnormalnosti

Abnormalnosti mogu biti niskog ili visokog stepena.

Abnormalnosti niskog stepena

Kod abnormalnosti niskog stepena radi se o manjim promjenama koje vremenom obično nestanu. Abnormalnosti niskog stepena većinom nastaju zbog infekcije virusom Human Papilloma Virus (HPV). HPV virus je vrlo česta pojava tako da 4 od 5 žena dođu u kontakt s tim virusom u nekoj fazi svog života. Kod većine žena koje imaju HPV neće se razviti rak na grliću maternice.

HPV se prenosi dodirrom genitalnih dijelova kože. Organizam se obično sam oslobodi aktivnog virusa u roku od 1-2 godine. Međutim neke vrste HPV virusa ostaju uporno u organizmu godinama, čime se povećava opasnost od nastanka raka na grliću maternice.

Liječenje abnormalnosti niskog stepena

Ako su vam raniji nalazi PAPA testa bili uredni, doktor će vam reći da dođete ponovo na PAPA test za godinu dana. Time se daje vremena organizmu da se oslobodi HPV virusa i da se abnormalnost sama po sebi riješi.

Ako ponovljeni PAPA test bude abnormalan, dobićete uputnicu da odete kod ginekologa na kolposkopiju. Na tom pregledu doktor će koristiti instrument koji se zove kolposkop, koji pokazuje uvećanu sliku grlića maternice, da bi se provjerilo o kakvoj abnormalnosti se radi i u kojoj mjeri je ona prisutna.

Neke žene kod kojih je ustanovljen niski stepen abnormalnosti mogu biti odmah upućene na kolposkopiju bez potrebe da se ponovi PAPA test.

Abnormalnosti visokog stepena

Abnormalnosti visokog stepena su ozbiljnije promjene ćelija grlića maternice kod kojih, ako se ne liječe, postoji veća šansa da se mogu pretvoriti u rak grlića maternice. Treba obično do deset godina da se abnormalne promjene visokog stepena pretvore u rak grlića maternice.

Liječenje abnormalnosti visokog stepena

Ako se kod vas radi o abnormalnostima visokog stepena, doktor opće prakse će vas uputiti specijalisti na dalje pretrage uz pomoć kolposkopa. U toku kolposkopije može vam se uzeti mali uzorak tkiva (biopsija) i poslati u laboratoriju na ispitivanje.

Postoje razne vrste liječenja, zavisno od stepena abnormalnosti. Koriste se razne metode za otklanjanje abnormalnih ćelija s grlića maternice, a u većini slučajeva treba ostati u bolnici samo jedan dan.

Za više informacija o nalazima PAPA testa i abnormalnim pojavama ili ako želite naručiti knjižicu Pap test Results - A guide for women with an abnormal Pap test (Rezultati PAPA testa – Vodič za žene koje imaju abnormalan nalaz PAPA testa) nazovite Viktorijsko vijeće za rak (Cancer Council Victoria's Cancer Helpline) na 13 11 20 ili pogledajte na web stranici www.papscreen.org.au

Za više informacija na bosanskom jeziku nazovite 03 9209 0169.